

**9 მაისი ევროპის დღი**

1950 წლის 9 მაისს პარიზში საფუძველი ჩაეყარა ევროპული გაერთიანების შექმნას, რომლის მიზანი ევროპაში ომების შეჩერება და მშვიდობიანი თანამშროლობის ჩამოყალიბება იყო.

საფრანგეთის საგარეო საქმეთა მინისტრმა რობერტ შუმანმა ამ ისტორიულ დღეს საერთაშორისო პრესას



დეკლარაცია (შემდგომში ცნობილი, როგორც „შუმანის დეკლარაცია“) გააცნო, რომელიც საფრანგეთის, გერმანიისა და სხვა ევროპული ქვეყნებისადმი მოწოდებას წარმოადგენდა, რათა გაეერთიანებინათ ქვანახშირისა და ფოლადის წარმოება, რაც საფუძველად დაედებოდა ევროპის გაერთიანებას.

1985 წლის 9 მაისს მილანში ევროკავშირის ლიდერების შეხვედრაზე გადაწყვიტა, რომ ეს დღე „ევროპის დღედ“ გამოცხადებულიყო.

**საკონტაქტო ინფორმაცია:**

ევროკავშირის საინფორმაციო და დოკუმენტაციის ცენტრი საქართველო, თბილისი 0118  
 რუსთაველის გამზირი 8  
 საქართველოს პარლამენტი, C კორპუსი, ოთახი 126  
 ტელ.: (995 32) 92 37 03  
 ელ. ფოსტა: euinfocentre@parliament.ge

ამჟამად ევროკავშირი თავის შემადგენლობაში ოცდაშვიდ წევრ სახელმწიფოს ითვლის. ქვეყანა, რომელიც გადაწყვეტს ევროპულ ოჯახში გაწევრიანებას, ვალდებულია გაიზიაროს მისი ფუნდამენტური ღირებულებები.


ევროკავშირის სიმბოლიკიდან ჩვენთვის ყველაზე უკეთ ცნობილია: ევროპის დღე 9 მაისი; ევროპის დროშა (ლურჯ ფონზე გამოსახული 12 ოქროსფერი ვარსკვლავი); ევროპის ჰიმნი „ოდა სიხარულს“ (ბეთხოვენის მეცხრე სიმფონია) და ევროკავშირის მთავარი დევიზი - „მრავალფეროვნებაში გაერთიანებული“ (United in Diversity.)

საქართველოში ევროპის დღე ყოველწლიურად აღინიშნება სხვადასხვა ღონისძიებით ევროკომისიის წარმომადგენლობასთან, ევროკავშირის წევრი ქვეყნების დიპლომატიურ კო-



რუსთან და საქართველოს საგარეო საქმეთა სამინისტროს, აგრეთვე ევროპასთან ინტეგრაციაზე ორიენტირებულ სახელმწიფო სტრუქტურებთან ერთად.

გამოყენებულია ფოტო მასალა ევროკავშირის ოფიციალურ ვებ-გვერდიდან: [www.europa.eu](http://www.europa.eu)



**ევროკარიერა**

**2 - 3 მაისი**

ენერგეტიკის მინისტრების არაფორმალური შეხვედრა (ბუდაპეშტი, უნგრეთი)

**4 - 6 მაისი**

ევროპის მომავალი ტექნოლოგიების კონფერენცია და გამოფენა (ბუდაპეშტი, უნგრეთი)

**9 - 12 მაისი**

ევროპარლამენტის პლენარული სესია და კომიტეტების შეხვედრა (სტრასბურგი, საფრანგეთი)

**19 - 20 მაისი**

განათლების, ახალგაზრდობის და კულტურის საბჭოს შეხვედრა (ბრიუსელი, ბელგია)

**30 - 31 მაისი**

კონკურენტუნარიანობის საბჭოს შეხვედრა (ბრიუსელი, ბელგია)

საქართველოს პარლამენტის ევროკავშირის ინტეგრაციის კომიტეტი საქართველო, თბილისი 0118  
 რუსთაველის გამზირი 8  
 ტელ.: (995 32) 28 17 08; (995 32) 28 13 92  
 ფაქსი: (995 32) 28 13 49  
 ელ.ფოსტა: europa@parliament.ge

# ავსტრიის პარტი

## ევროპარლამენტი მოსალოდნელია ავსტრიის მთავრობის მიერ

არსებული კანონპროექტის თანახმად, ინფორმაცია არანეგირი ქვეყნების მგზავრების შესახებ (PNR) სათანადო ნაციონალურ ორგანოებს უნდა გადაეცეს. მაგრამ გაერთიანებული სამეფო კანონპროექტში ევროკავშირის არანეგირი ქვეყნებიდან შემოსული მგზავრების შესახებ ცვლილებების შეტანას მოითხოვს. ბრიტანეთის ინიციატივით, ქვეყნებს უნდა ჰქონდეთ უფლება, თვითონ აირჩიონ რომელი ქვეყნის მგზავრების შესახებ შეაგროვებენ ინფორმაციას და არ უნდა ჰქონდეს მნიშვნელობა ევროკავშირის ნევრი ქვეყნიდან იქნება მგზავრი თუ არა; ამასთანავე დასაბუთებული უნდა იყოს დაზვერვის მიერ მოპოვებული ინფორმაცია მოსალოდნელი საფრთხის შესახებ.

ნაკლებად სავარაუდოა, რომ ევროპარლამენტი ამ ინიციატივას დაეთანხმოს, თუნდაც იმიტომ, რომ ყოველდღიურად ევროკავშირის მოქალაქეებზე დაგროვდება უამრავი დოკუმენტი, რომელიც გამოიძიება არ საჭიროებს, ეს კი სრულ ქაოსს გამოიწვევს.

მიიჩნევენ, რომ ბრიტანეთის მიერ შემოთავაზებული ცვლილება ისევე არ გაამართლებს, როგორც არ გაამართლა იმ კანონმა, რომელიც აიძულებს ტელეკომს, დააგროვოს ინფორმაცია მომხმარებლებზე 2 წლის განმავლობაში და საჭიროების შემთხვევაში პოლიციას გადასცეს. ეს კანონი ანტიკონსტიტუციურად სცნეს გერმანიამ, რუმინეთმა და ჩეხეთმა.

„ინფორმაცია მგზავრების შესახებ ძალიან მნიშვნელოვანია, როდესაც საქმე გვაქვს მოსალოდნელ საფრთხესთან, მაგრამ უნდა მოიძებნოს ამ ინფორმაციის შეგროვების ეფექტური და არადისკრიმინაციული ფორმა,“ აცხადებს პიტერ ჰუსტინქსი, ევროკავშირის მონაცემთა ბაზის ზედამხედველი.



ევროპარლამენტი იპონურ საკვებზე რაფინირირი მარკეტების გამოკვლევას აპირებს

ფუკუსიმაში მომხდარი მოვლენების შემდეგ ევროკომისიის პრეზიდენტმა ჟოზე მანუელ ბაროზომ ევროკავშირის იაპონიიდან იმპორტირებულ საკვებზე რადიაციული შეზღუდვების გამკაცრებისაკენ მოუწოდა. ევროპარლამენტის წევრებთან საუბრისას ამ ზომებს „ჩვეულებრივი სიფრთხილე“ უწოდა.

ბაროზომ დეპუტატებს განუცხადა: „ჩვენ გადავწყვიტეთ გარდამავალ ეტაპზე იაპონიასთან დაკავშირებით დავანსოთ ახალი სტანდარტები, რადგან არსებული შეზღუდვები დაშვებულ ნორმებზე დაბალია“.

ალსანიშნავია, რომ ევროპაში იაპონიიდან იმპორტირებული ზღვის პროდუქტების წილი ძალიან მცირეა, რადგან ევროკავშირის ქვეყნები ზღვის პროდუქტების 99%-ს სხვა ქვეყნებიდან ღებულობენ.

## კუჭრინ ევროპის რეაქტივების საკითხზე მინისტრის საკითხავი

ევროკავშირმა შემოფოთებით აღნიშნა, რომ რუსეთის საგარეო საქმეთა მინისტრი სერგეი ლავროვი კვირის დასაწყისში ცხინვალსა და სოხუმში „საქართველოს ხელისუფლების წინასწარი თანხმობის გარეშე“ ჩავიდა.

„ევროკავშირი არ მიიჩნევს, რომ ეს ვიზიტები შეესაბამება ტერიტორიული მთლიანობის პრინციპს,“ — განაცხადა საგარეო და უსაფრთხოების საკითხებში ევროკავშირის უმაღლესი წარმომადგენლის კეტრინ ეშტონის პრესსპიკერმა 28 აპრილს გაერო-საფრთხილ განცხადებაში.

„ევროკავშირი კიდევ ერთხელ გამოხატავს მხარდაჭერას საქართველოს სუვერენიტეტის და ტერიტორიული მთლიანობის მიმართ და ხაზს უსვამს კონფლიქტის მშვიდობიანი მოგვარების მნიშვნელობას საქართველოს ტერიტორიული მთლიანობის სრული პატივისცემით მისი საერთაშორისო დონეზე აღიარებული საზღვრების ფარგლებში,“ — ნათქვამია განცხადებაში

## თხარისა და საფრანგეთი ევროკავშირისგან შენგენის ზონის შიგნით

იტალია და საფრანგეთი ევროკავშირისგან შენგენის ზონის შიგნით დროებითი სასაზღვრო კონტროლის აღდგენას ითხოვენ - ამის შესახებ ნათქვამია იტალიის პრემიერ-მინისტრ სილვიო ბერლუსკონისა და საფრანგეთის პრეზიდენტ ნიკოლა სარკოზის წერილში ევროკომისიის თავმჯდომარის ჟოზე მანუელ ბაროზოსა და ევროპის კავშირის მეთაურ ჰერმან ვან რომპეისადმი.

დოკუმენტში, რომელიც იტალია-საფრანგეთის სამიტის შემდეგ მომზადდა, აღნიშნულია, რომ აუცილებელია განმტკიცდეს FRONTEX-ის სააგენტოს როლი, რომელიც კოორდინაციას უწევს საგარეო საზღვრებზე ევროკავშირის წევრ სახელმწიფოთა თანამშრომლობას.

„შენგენის ზონის კონტროლის გაძლიერება უფრო ეფექტური უნდა იყოს და ხელს უნდა უწყობდეს ერთობლივი დისციპლინის განმტკიცებას, გარე საზღვრების უფრო საიმედო დაცვას და ამასთანავე შენგენის ზონის გაფართოების მიზნებსაც“ — აღნიშნულია წერილში. გარდა ამისა, ბერლუსკონისა და სარ-

კოზის აზრით, განხილულ უნდა იქნას შენგენის ზონის შიგნით სასაზღვრო კონტროლის დროებითი აღდგენის შესაძლებლობა, ვინაიდან საგარეო საზღვრების მართვა „განსაკუთრებული სირთულით“ ხასიათდება.



ბილ გეთისი: „ათასწლეულის განვითარების მიზნები (MDG), მათ შორის სიღარიბის დაძლევა, შესაძლებელი იქნება, თუ მდიდარი ქვეყნები შეასრულებენ თავიანთ დანაპირებს დახმარების შესახებ. მიუხედავად ამისა, კომპანია Microsoft-ის დამფუძნებლის და ფილანტროპ ბილ გეთისის თქმით, დასახული მიზნის მიღწევას ვადა, რომელიც 2015 წლისთვის იყო განსაზღვრული, კიდევ 6 წლით გადაინევის.“

ათასწლეულის განვითარების მიზნები (MDG), მათ შორის სიღარიბის დაძლევა, შესაძლებელი იქნება, თუ მდიდარი ქვეყნები შეასრულებენ თავიანთ დანაპირებს დახმარების შესახებ. მიუხედავად ამისა, კომპანია Microsoft-ის დამფუძნებლის და ფილანტროპ ბილ გეთისის თქმით, დასახული მიზნის მიღწევას ვადა, რომელიც 2015 წლისთვის იყო განსაზღვრული, კიდევ 6 წლით გადაინევის.

რამდენიმე დღით ადრე, ვიდრე ეკონომიკური თანამშრომლობის და განვითარების ორგანიზაცია (OECD) დახმარების განვითარების ანგარიშს წარმოადგენდა, ბილ გეთისმა შენიშვნები გამოთქვა ევროპარლამენტის განვითარების კომიტეტის წევრების მიმართ.

2005 წლის მაისში ევროკავშირის 15-მა წევრმა სახელმწიფო ღარიბი ქვეყნების დახმარების მზადყოფნა დაადასტურა, რაც გულისხმობდა მათთვის 2015 წლამდე მთლიანი ეროვნული შემოსავლის (GNI) 0.7 %-ის გადაცემას. გეთისმა ევროპარლამენტის წევრებს განუცხადა, რომ ეს დანაპირები რომ შესრულებულიყო, ისინი დამატებით 20 მილიარდ ევროს მიიღებდნენ.

ათასწლეულის განვითარების მიზნები გულისხმობს უკიდურესი სიღარიბის და შიმშილის აღმოფხვრას, საყოველთაო დაწყებითი განათლებისა და გენდერულ თანასწორობის უზრუნველყოფას და ბავშვთა სიკვდილიანობის შემცირებას. ამ ინიციატივის რატიფიცირება გაეროს წევრი სახელმწიფოების მიერ 2000 წელს მოხდა და მისი განხორციელების საბოლოო ვადა 2015 წელია.

ბილ და მელინდა გეთისების ფონდი 15 წლის წინ დაარსდა. ფონდმა თანხების უდიდესი ნაწილის, დაახლოებით 24.5 მილიარდი ევროს ინვესტიცია ჯანდაცვის სფეროში განახორციელა და თანხები უმეტესად იაფი ვაქცინების განვითარებას მოხმარდა.

გამოყენებული წყაროები: [www.euractiv.com](http://www.euractiv.com); [www.euobserver.com](http://www.euobserver.com); [www.europeanvoice.com](http://www.europeanvoice.com)

თსუ-ს ავროპული კვლევების ინსტიტუტი  
ავროკავშირის კვირეულის ფარგლებში გაიხსნა  
ბანაკობრივი ბაზაზე სემინარი

9 მაისი — საქველმოქმედო აქცია, სადაც შეგროვდება შემოწირულობა იაპონიაში ატომური კატასტროფის შედეგად დაზარალებულთათვის. აქციაზე სხვა უცხოელ სტუმრებთან ერთად საგანგებოდ იქნება მოწვეული იაპონიის ელჩი. სტუმრებს გაუმასპინძლებიან ტკბილეულით და გამაგრებელი სასმელებით. ღონისძიება გაიმართება თსუ მე-2 კორპუსის წინ, ჭავჭავაძის გამზირი 3, ღონისძიების დაწყების დრო: 12 საათი.

10 მაისი — საჯარო ლექცია პარტიკ მესერლინის, მიშელ ემერსონის, ალექსანდრ ლე ვერნუას და გია ჯანდიერის ავტორობით გამოქვეყნებული მოხსენების თაობაზე "აღმოსავლეთის სამეზობლოში ევროკავშირის სავაჭრო პოლიტიკის შეფასება საქართველოს მაგალითზე." მომხსენებელი: გია ჯანდიერი. მისამართი: თსუ ევროპული კვლევების ინსტიტუტი, ჭავჭავაძის გამზირი 3, თსუ მე-2 კორპუსი, მე-4 სართული, ოფისი 406, ღონისძიების დაწყების დრო: 16:00 საათი. RSVP [director.ces@tsu.ge](mailto:director.ces@tsu.ge)

11 მაისი — საფრანგეთის ელჩის მისი აღმატებულება ერიკ ფურნიეს შეხვედრა თსუ ევროპული კვლევების ინსტიტუტის და თსუ სხვა ფაკულტეტების სტუდენტებთან. დასწრება თავისუფალია. მისამართი: თსუ ევროპული კვლევების ინსტიტუტი, ჭავჭავაძის გამზირი 3, თსუ მე-2 კორპუსი, მე-4 სართული, ოფისი 406, ღონისძიების დაწყების დრო: 16:00 საათი. RSVP [director.ces@tsu.ge](mailto:director.ces@tsu.ge)

13 მაისი — ლატვიაში საქართველოს ელჩის მისი აღმატებულება კონსტანტინე კორკელიას საჯარო ლექცია. დასწრება თავისუფალია. მისამართი: თსუ ევროპული კვლევების ინსტიტუტი, ჭავჭავაძის გამზირი 3, თსუ მე-2 კორპუსი, მე-4 სართული, ოფისი 406, ღონისძიების დაწყების დრო: 16:00 საათი. RSVP [director.ces@tsu.ge](mailto:director.ces@tsu.ge)

16 მაისი — საკონფერენციო ნაშრომების მიღების ოფიციალური გამოცხადება და საორიენტაციო შეხვედრა მსურველებთან. კონფერენციის თემა: კონფლიქტების პრევენცია, ევროპული, ევროკავშირის და გაეროს გამოცდილება და როლი. შეხვედრის ადგილი: თსუ ევროპული კვლევების ინსტიტუტი, ჭავჭავაძის გამზირი 3, თსუ მე-2 კორპუსი, მე-4 სართული, ოფისი 406, შეხვედრის დაწყების დრო: 12:00 საათი. RSVP [director.ces@tsu.ge](mailto:director.ces@tsu.ge)

24 მაისი — საქართველოს საგარეო საქმეთა მონისტრის მოადგილის თორნიკე გორდაძის შეხვედრა სტუდენტებთან და საჯარო ლექცია. მისამართი: თსუ ევროპული კვლევების ინსტიტუტი, ჭავჭავაძის გამზირი 3, თსუ მე-2 კორპუსი, მე-4 სართული, ოფისი 406, ღონისძიების დაწყების დრო: 16:00 საათი. RSVP [director.ces@tsu.ge](mailto:director.ces@tsu.ge)

ევროპული კვლევების ინსტიტუტის სხვა ღონისძიებების შესახებ ინფორმაციის მისაღებად ეწვიეთ ვებ-გვერდს: [www.tsu.ge](http://www.tsu.ge)

ავროსტატისტიკა



ავროკავშირის ეკონომიკური განვითარება

აპრილში ევროკავშირის სტატისტიკურმა ოფისმა, ევროსტატმა, გამოაქვეყნა ახალი მონაცემები ევროკავშირში დემოგრაფიული მდგომარეობის შესახებ. ამჟამად გაზრდილი მიგრაციული ნაკადების, შობადობის რიცხვის, სიცოცხლის ხანგრძლივობის, მოსახლეობის დაბერების და სხვა ფაქტორების ფონზე ევროკავშირის წინაშე დემოგრაფიული ვითარება ერთ-ერთი მნიშვნელოვანი პრობლემაა.

გასული საუკუნის ოთხმოციანი წლებიდან ევროკავშირში შობადობის მკვეთრი ვარდნა შეიმჩნევა. სიტუაციის ცვლილება 2003 წლიდან დაიწყო, როდესაც შობადობის მაჩვენებელი გაუტოლდა 1.47%-ს და განაგრძო ზრდა 2008 წლამდე, როდესაც ეს რიცხვი გახდა 1.60%. მალტის, ლუქსემბურგისა და პორტუგალიის გარდა შობადობის მატება მოხდა ევროკავშირის ყველა სახელმწიფოში. 2003 წლიდან 2009 წლამდე ყველაზე დიდი მატება აღინიშნა ბულგარეთში, სადაც ეს რიცხვი 1.23%-დან 1.57%-მდე გაიზარდა, ასევე სლოვენიაში (1.20%-დან 1.53%-მდე), ჩეხეთსა (1.18%-დან 1.49%-მდე) და ლიტვაში (1.26%-დან 1.55%-მდე).

2009 წელს ყველაზე მაღალი შობადობა აღინიშნა ირლანდიაში (2.07), საფრანგეთში (2.0), დიდ ბრიტანეთსა (1.96) და შვედეთში (1.94), ხოლო ყველაზე დაბალი ეს რიცხვი აღმოჩნდა ლატვიაში (1.31), უნგრეთში (1.32), პორტუგალიასა (1.32) და გერმანიაში (1.36).

ბოლო 50 წლის განმავლობაში ევროკავშირში 10 წლით გაიზარდა სიცოცხლის ხანგრძლივობა და შეადგინა 82.4 წელი ქალებისა და 76.4 წელი მამაკაცებისათვის. ამგვარი ზრდა აღინიშნა ყველა წევრ სახელმწიფოში, ამასთან მაქსიმალური იყო ესტონეთსა და სლოვენიაში. 2009 წელს სიცოცხლის ხანგრძლივობის ყველაზე დიდი მაჩვენებელი ქალებისთვის იყო საფრანგეთში (85.1), ესპანეთში (84.9), იტალიასა (84.5) და კვიპროსზე (83.6), ხოლო კაცებისთვის – შვედეთში (79.4), იტალიაში (79.1), ესპანეთსა (78.7) და ჰოლანდიაში (78.8).

ბოლო წლების მანძილზე ევროკავშირში მოსახლეობის რიცხვის ზრდის ერთ-ერთი მთავარი ფაქტორი იმიგრაცია გახდა. 2004-დან 2008 წლის განმავლობაში ყოველწლიურად 3-4 მილიონი იმიგრანტი იმკვიდრებს ადგილს. 2010 წლის მონაცემებით ევროკავშირში 32.4 მილიონი უცხოელი ცხოვრობს (მოსახლეობის საერთო რაოდენობის 6.5%). აქედან 12.3 მილიონი ევროკავშირის მოქალაქეები არიან, რომლებიც სხვა წევრ სახელმწიფოში დამკვიდრდნენ. 20.1 მილიონი კი მესამე ქვეყნებიდან შემოსული მოქალაქეები. 2010 წელს უცხოელთა ყველაზე დიდი რიცხვი იყო გერმანიაში (7.1 მილიონი), ესპანეთში (5.7 მილიონი), დიდ ბრიტანეთში (4.4 მილიონი), იტალიასა (4.2 მილიონი) და საფრანგეთში (3.8 მილიონი). პროცენტული მაჩვენებლით უცხოელთა ყველაზე დიდი რიცხვი არის ლუქსემბურგში (მოსახლეობის საერთო რაოდენობის 43%), ლატვიაში (17%), ესტონეთში (16%), კვიპროსზე (16%), ესპანეთსა (12%) და ავსტრიაში (11%).

ავროპული კვლევა

ავროკავშირის თემაზე  
ბანაკობრივი ბაზაზე სემინარი

**"The Middle of the Map - Geopolitics of Perceptions"**

გამომცემელი: John Harper Publishing  
ავტორი: Attila Marjan  
ენა: ინგლისური.

**"Legitimacy in European Administrative Law: Reform and Reconstruction"**

გამომცემელი: Europa Law Publishing  
ავტორი: Matthias Ruffert  
ენა: ინგლისური

**"Stalking in the Netherlands"**

გამომცემელი: Maklu-Publishers  
ავტორი: Suzan van der Aa  
ენა: ინგლისური.



წიგნების ელექტრონული ვერსია შეგიძლიათ იხილოთ: <http://eubookshop.com/1>



# ევროპარლიამენტი

განავადრებთ დაიჯესტის წინა ნომრებში დაწყებულ რუბრიკას - განათლება ევროპაში და განვითარების ინფორმაციას სასწავლო სტიპენდიის შესახებ.

## მაკედონიის სოციალურ და ჰუმანიტარულ მეცნიერებათა ინსტიტუტი „ევრო-ბალკანეთი“ აცხადებს კონკურსს მინიმუმ ბაკალავრის აკადემიური ხარისხის მფლობელი საერთაშორისო სტუდენტებისთვის სასწავლო კურსების გასავლელად შემდეგი მიმართულებებით:

• გენდერი (სქესი და ფილოსოფია, სქესი და სოციოლოგია);  
• ევროპათმცოდნეობა (სამხრეთ აღმოსავლეთი ევროპის ქვეყნები);  
• კულტურათმცოდნეობა;  
• ბიზანტიოლოგია;

ინსტიტუტი წარმოადგენს ერთ-ერთ მუდმივ ევროპული პროგრამის ნაწილს. სასწავლო კურსი იმართება ინგლისურ ენაზე, ამიტომ სავალდებულოა აღნიშნული ენის სრულფასოვნად ცოდნა. დაინტერესებულმა კანდიდატებმა შევსებულ სააპლიკაციო ფორმასთან ერთად ელექტრონულად უნდა გაგზავნონ შემდეგი დოკუმენტაცია:

- მინიმუმ ბაკალავრის დიპლომი პროგრამით გათვალისწინებულ ან მონათესავე სფეროებში;
- მოკლე ავტობიოგრაფია (CV);
- სამოტივაციო წერილი (150—300 სიტყვა);
- პერსონალურად ხელმოწერილი სააპლიკაციო ფორმა (ხელმისაწვდომია ინსტიტუტის ვებ-გვერდზე).

**განაცხადების გაგზავნის ბოლო ვადაა 2011 წლის 21 ივნისი.**

## რუმინეთის საზოგადოებრივი „შესაფერისი საერთაშორისო საზოგადოების ძიება“

ლუქსემბურგის ევროპულ და საერთაშორისო სწავლებათა ინსტიტუტი შავი ზღვის უნივერსიტეტის ფონდთან და რუმინეთის ევროპულ კულტურულ ცენტრთან ერთად აცხადებს კონკურსს აღმოსავლეთ და დასავლეთ ევროპიდან საერთაშორისო სტუდენტებისა და ახალგაზრდა მკვლევარებისათვის საერთაშორისო საზოგადოებრივი სემინარში (სახელწოდებით: „შესაფერისი საერთაშორისო საზოგადოების ძიება“) მონაწილეობის მისაღებად. სემინარი გაიმართება რუმინეთის დაბა ვამა ვეჩეში 2011 წლის 15 აგვისტოდან 20 აგვისტოს ჩათვლით.

სემინარის მიზნად ისახავს საერთაშორისო საზოგადოებაში არსებული პოლიტიკური, კულტურული, ეკონომიკური და სტრატეგიული ურთიერთობის, აღნიშნულ სფეროში არსებული სტრუქტურებისა და მექანიზმების შეფასებას, აგრეთვე სიმდიდრისა და ძალაუფლების გადანაწილების დონას განხილვას და არსებულ პრობლემათა მოგვარების გზების ძიებას.

პროგრამის სამუშაო ენაა ინგლისური. წარჩინებულ კანდიდატებს ლუქსემბურგის ევროპულ და საერთაშორისო სწავლებათა ინსტიტუტი დააფინანსებს 395 ევროს ოდენობის გრანტით, რომლითაც ანაზღაურდება პროგრამაში მონაწილეობის, დაბინავებისა და კვების ხარჯები.

სემინარში მონაწილეობის მსურველმა კანდიდატებმა შევსებულ სააპლიკაციო ფორმასთან ერთად ელექტრონულად უნდა გაგზავნონ შემდეგი დოკუმენტაცია:

- რეზიუმე (CV);
- სამოტივაციო წერილი;
- ორგვერდიანი ესე, რომელიც უნდა ეხებოდეს პროგრამით გათვალისწინებული საკითხებიდან ერთ-ერთს.

**განაცხადების გაგზავნის ბოლო ვადაა 2011 წლის 18 ივნისი.**

ზემოთ ჩამოთვლილი სასწავლო სტიპენდიების შესახებ დამატებითი ინფორმაციის მისაღებად იხილეთ შემდეგი ვებგვერდი [www.iliauni.edu.ge](http://www.iliauni.edu.ge) ან მიმართეთ ილიას სახელმწიფო უნივერსიტეტის სტუდენტურ სერვის ცენტრს – თბილისი, ჭავჭავაძის გამზირი N32, ოთახი N219-220, ტელ.: (832) 29 47 11

[euinfocentre@parliament.ge](mailto:euinfocentre@parliament.ge)



ყოველ შაბათს უსმინეთ გადაცემას  
“**ევროპის პარლიამენტი ირინა  
საჩხვაძესთან ერთად**”  
საქართველოს რადიოს  
პირველი არხი

კონრად ადენაუერის სახელობის  
ფონდის დაფინანსებით  
“**ევროპის პარლიამენტი**”  
იბეჭდება საქართველოს  
4 რეგიონულ გაზეთში

